

Gipuzkoako Aldizkari Ofiziala

245. zenbakia

Data 2012-12-26

2 orria

3 Gipuzkoako Lurralde Historikoko Xedapen Orokorrak

GFA-OGASUNA ETA FINANTZA

1159/2012 Foru Agindua, abenduaren 19koa, taldeen bateratze fiskaleko araubideko alta eta haien osaeraren aldaketa jakinarazteko 228 erdua onartzen duena.

GIPUZKOAKO FORU ALDUNDIA

OGASUN ETA FINANTZA DEPARTAMENTUA

1.159/2012 FORU AGINDUA, abenduaren 19koa, taldeen bateratze fiskaleko araubideko alta eta haien osaeraren aldaketa jakinarazteko 228 erdua onartzen duena.

Pertsona Fisikoen Errentaren gaineko Zerga ekitatea lortzeko bidean aldatu eta beste zerga neurri batzuk onartzen dituen abenduaren 26ko 5/2011 Foru Arauaren bidez, aldatuta geratu zen, Sozietateen gaineko Zergaren eremuan, bateratze fiskaleko araubidean zergapetuta dauden entitateentzat araubide horretako alta eta taldearen osaeraren aldaketa jakinarazteko modua.

Bereziki, Sozietateen gaineko Zergaren uztailaren 4ko 7/1996 Foru Arauaren 77. artikulua 6. apartatuan sartutako aldaketa zela medio, ezarrita geratu zen komunikazio haiek Ogasun eta Finantzetako Departamentuko foru diputatuak ezartzen dituen tokian, moduan eta epeetan egingo zirela.

Horiek horrela, apartatu hura garatzearren, eta, beraz, talde bateratuetako entitate nagusiei jakinarazpen horiek egitea ahalbideratzearen, foru agindu honen bidez 228 erdua onartzen da, taldeen bateratze fiskaleko araubideko alta eta haien osaeraren aldaketa jakinaraztekoa.

Horren indarrez, hau

XEDATZEN DUT

1. artikulua. 228 erdua onartzea.

Sozietateen gaineko Zergaren ondorioetarako, taldeen bateratze fiskaleko araubideko alta eta haien osaeraren aldaketa jakinarazteko erabili behar duten 228 erdua onartzen da. Foru agindu honen eranskinean dago 228 erdua.

2. artikulua. 228 erdua aurkezteko betebeharra.

Sozietateen gaineko Zergaren uztailaren 4ko 7/1996 Foru Arauaren 76. artikulua arabera, zergak Gipuzkoako lurralde historikoan ordaintzen dituzten talde bateratuetako entitate nagusiek aurkeztu behar dute 228 erdua, honako egoera hauetan:

a) Sozietateen gaineko Zergaren uztailaren 4ko 7/1996 Foru Arauaren 76. artikuluan (6. apartatuko lehen paragrafoan) aurreikusten den alta jakinarazteko bateratze fiskaleko araubidea aukeratzen dutenean.

b) Sozietateen gaineko Zergan bateratze fiskaleko araubideari jarraituz ordaindu arren, taldea osatzen duten entitateen osaera aldatzen denean, Sozietateen gaineko Zergaren uztailaren 4ko 7/1996 Foru Arauaren 76. artikulua arabera.

3. artikulua. 228 eredia aurkezteko moduak.

Telematikoki aurkeztu behar da 228 eredia, eta subjektu pasiboak berak edo haren ordezkari batek aurkez dezake.

Fitxategi bat helaraziz aurkeztu behar da 228 eredia, zergekin lotutako izapideak elektronikoki egiteko betebeharra arautzen duen azaroaren 24ko 1.011/2010 Foru Aginduan xedatutakoari jarraikiz.

4. artikulua. 228 eredia aurkezteko epea.

Hauek dira 228 eredia aurkezteko epeak:

a) Alta jakinarazteko, ondorioak dituen zergaldiaren aurreko lehen zergaldiko azken hilabetean.

b) Talde fiskalaren osaeraren aldaketa jakinarazteko, aldaketa egin eta bi hilabeteko epean.

5. artikulua. 228 eredia aurkezteko tokia.

1. Telematikoki igortzekoak diren fitxategi informatizatuak prestatzeko, Ogasun eta Finantza Departamentuaren web gune ofizialean dagoen laguntza programa erabiliko da; Gipuzkoako Foru Aldundiaren egoitza elektronikoa ere eskuratu dezakete programa hori (www.gfaegoitza.net).

Fitxategi elektronikoa igortzeko, laguntza programak berak erraztuko du Gipuzkoako Foru Aldundiaren egoitza elektronikoa kokatuta dagoen «Gipuzkoataria» zerbitzu informatikoen atarian sartzea. Behar den orrian behin sartuta, identifikazio sistemak eskatzen dituen datuak beteko dira lehen-lehenik, eta fitxategia bidaliko da gero.

Igorritako fitxategiarekin batera foru agindu honen 6. artikuluan aipatzen den dokumentazioa bidali behar bada, azken hori bide telematikoz aurkeztuko da, bidezko fitxategiak igorrita. Horretarako, dokumentazioa aurkezteko plataforma orokorra erabiliko da, Gipuzkoako Foru Aldundiaren egoitza elektronikoa dagoen «Gipuzkoataria» zerbitzuan sartuta.

Behin fitxategia igorrita, zergadunak aurkeztutako jakinarazpenaren kopia bat inprimatu ahal izango du, non «prozesaketaren zain» esapidea jasoko baita.

2. Geroago, Zerga Administrazioak berari igorritako informazioa eta, hala badagokio, dokumentazioa egiaztatuko ditu, eta honela jokatuko du:

a) Jakinarazpena zuzena bada, Administrazioak hori subjektu pasiboaren eskura jarriko du Gipuzkoako Foru Aldundiaren egoitza elektronikoa kokatutako «Gipuzkoataria» zerbitzu informatikoen atarian, eta hark inprimatu ahal izango du. Jakinarazpenak zigu digital bat eramango du, telematikoki aurkeztu izana frogatze aldera.

Jakinarazpena taldearen altari buruzkoa denean, Zerga Administrazioak emandako taldearen zenbakia zehaztuko du, gainera, eta Sozietateen gaineko Zergaren Erregelamenduari buruzko ekainaren 10eko 45/1997 Foru Dekretuak 47. artikulua 2. apartatua aipatutako jakinarazpena burututzat emango da.

Subjektu pasiboari jakinarazpenaren prozesaketaren dataren berri eman eta jakinarazpena haren esku jartze aldera, mezu elektronikoa bat bidaliko zaio hark ereduaren adierazten duen posta helbidera.

b) Igorritako informazioa okerra dela edo erroreak dituela uste denean, edo errekeritutako dokumentazioa aurkezten ez denean, subjektu pasiboari jakinaraziko zaizkio berak aurkeztutako jakinarazpenaren errefusa eta horren arrazoiak, eta 228 ereduaren aurkezpena baliogabea izango da. Jakinarazpen hori idatziz bidaliko zaio, subjektu pasiboak zehaztutako helbidera mezu elektronikoa igorri ere egitea eragotzi gabe. Subjektu pasiboak 228 eredu berri bat aurkeztu beharko du, erroreak konponduta edo berari errekeritutako dokumentazioa aurkeztuta.

6. artikulua. 228 ereduarekin batera aurkeztu beharreko dokumentuak.

Taldeko entitateek bateratze fiskaleko araubidea aukeratzeko erabakien kopia bat aurkeztu behar dute 228 ereduarekin batera.

Hala ere, aipatutako dokumentua ez da eskatuko dagoeneko Gipuzkoako Foru Aldundiaren esku badago (036 o 60S ereduaren bidez).

Xedapen iragankorra. Foru agindu hau indarrean jarri ondorengo hilabeteetan hasten diren zergaldietan bateratze fiskaleko araubidea lehen aldiz aplikatzen duten entitateek alta jakinarazteko duten epea.

Foru agindu honen 4. artikuluko a) letran xedatutakoa kontuan hartuta ere, 2013ko urtarrilaren 31 arte izango dute alta jakinarazteko aukera foru agindu hau argitaratu ondorengo hilabeteetan hasten den zergaldian bateratze fiskaleko araubidea lehen aldiz aplikatzen duten talde bateratuetako entitate nagusiek.

Amaierako xedapena. Indarrean jartzea eta ondorioak izatea.

Gipuzkoako ALDIZKARI OFIZIALEAN argitaratzen den egunean jarriko da indarrean foru agindu hau. Halaber, 2013ko urtarrilaren 1etik aurrera ematen diren alden jakinarazpenetan nahiz indarrean jarri ondoren talde fiskalaren osakeran egiten diren aldaketetan aplikatuko da.

Donostia, 2012ko abenduaren 19a.—Helena Franco Ibarzabal, Ogasun eta Finantza Departamentuko Foru Diputatua.

(10650)(11870)

